

U skladu sa odredbama Zakona o obligacijskim odnosima („Službeni list RBiH“, br. 2/92, 13/93 i „Službene novine Federacije BiH“ broj 13/94 i 42/11), dana 01.02.2019. godine u Sarajevu, z a k l j u č u j e s e

U G O V O R

o kupoprodaji nafte i naftnih derivata, auto-guma i akumulatora

I z m e đ u

- 1. KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28/I, 71 000 Sarajevo Identifikacioni broj 4201424050008, PDV broj 201424050008, a koju zastupa direktor mr. sci. Osman Delić, kao Kupac sa jedne strane
- 2. HIFA PETROL d.o.o. Sarajevo**, sa sjedištem u ulici Hotonj bb, Identifikacioni broj 4200999090005, PDV broj 200999090005, bankovni račun broj 3385502203296597 otvoren kod UNICREDIT BANK d.d., a kojeg zastupa direktor Hajrudin Ahmetlić kao Prodavac sa druge strane.

I- PREDMET UGOVORA

Član 1.

Predmet Ugovora o kupoprodaji (u daljem tekstu: Ugovor) je nabavka i isporuka nafte i naftnih derivata (dizel goriva EN 590, BMB 95, ulja, tot masti, tečnosti za brisače, destilovane vode, auto guma, akumulatora, sijalice) za potrebe Kantonalne javne ustanove za zaštićena prirodna područja u skladu sa uslovima ponude Prodavca.

II -CIJENA

Član 2.

Ukupna cijena za isporučenu robu iz člana 1. Ugovora utvrđuje se u iznosu od 22.086,55 KM (slovima:dvadesetdvijehiljadeosamdesetšest KM i 55/100) sa uračunatim PDV-om.

Ugovorene strane su saglasne da se cijene nafte i naftnih derivata formirati u skladu sa cijenama koje su važeće (u skladu sa odobrenjem nadležnog Ministarstva) koje se primjenjuju na benzinskim pumpama prodavca.

U skladu sa uslovima ponude zaprimljenje pod brojem JN-189/19 od 14.01.2019. godine, polazne cijene nafte i naftnih derivata iznose:

- Dizel gorivo EN 590 2,01 KM/lit sa PDV-om
- BMB 95..... 2,21 KM/lit sa PDV-om

Evidentiranje utočenih količina i vrsta goriva kao i drugih preuzetih roba na benzinskim stanicama se očituje potpisom ovlaštene osobe na specifikaciji preuzete robe.

III-MJESTO ISPORUKE ROBE

Član 3.

Mjesto snabdijevanja i isporuke nafte i naftnih derivata i tečnosti su benzinske stanice
Prodavca:

1. Benzinska pumpa Rajlovac, ulica Zabrđe bb;
2. Benzinska pumpa Vogošća, ulica Hotonj bb;
3. Benzinska pumpa Buča potok, ulica Adema Buće bb;
4. Benzinska pumpa Ilidža, ulica Rustempašina bb.

IV-OBAVEZE PRODAVCA

Član 4.

Prodavac se obavezuje da će omogućiti točenje goriva nakon obostranog potpisivanja Ugovora.

Član 5.

Ugovorne strane su saglasne da će se zbog podložnosti cijena nafte i naftnih derivata različitim promjenama na tržištu, koje su odraz svjetskih kretanja cijena sirove nafte na tržištu koristiti klauzulu „kliznih cijena“, odnosno ugovorne strane su saglasne da će se kod cijene nafte i naftnih derivata prilagođavati na tržištu.

Prodavac se obavezuje da će Kupca pismeno obavijestiti o svakoj promjeni cijena nafte i naftnih derivata koji su rezultat kretanja cijena istih na tržištu.

Cijene na pumpnim stanicama Prodavca ne mogu biti veće od 10% od prosječnih cijena na pumpnim stanicama drugih distributera u Federaciji BiH.

Ukoliko cijene na pumpnim stanicama Prodavca budu veće od 10% od prosječne cijene na pumpnim stanicama drugih distributera u Federaciji BiH, ima pravo pokretanja jednostranog raskida ovog ugovora.

V- OBAVEZE KUPCA

Član 6.

Kupac se obavezuje da će Prodavcu dostaviti u pismenoj formi podatke o osobama koje duže službena vozila sa registarskim oznakama istih.

Član 7.

Identifikacija osoba koja su ovlaštena da vrše preuzimanje goriva će se vršiti putem ličnih dokumenata.

Član 8.

Kupac je dužan obavijestiti Prodavca o svim promjenama u smislu promjene sjedišta Javne ustanove ili promjene statusa iste.

VI- NAČIN I ROK PLAĆANJA

Član 9.

Kupac se obavezuje da će vršiti Prodavcu uplatu dospjelih faktura/računa za robe iz člana 1. Ugovora na račun broj 3385502203296597 otvoren kod UNICREDIT BANK u roku do 60 dana od dana ispostavljanja istih.

VII – PERIOD TRAJANJA UGOVORA

Član 10.

Ugovor postaje punovažan danom potpisivanja od strane Kupca i Prodavca, a trajat 12 mjeseci od dana potpisivanja od strane ugovornih strana.

U slučaju kršenja odredbi Ugovora, isti može raskinuti svaka ugovorna strana u skladu sa odredbama Zakona o obligacijskim odnosima.

VIII –OSTALE ODREDBE

Član 11.

Na druge uslove koji nisu regulisani ovim ugovorom, primjenjivat će se odredbe Zakona o obligacijskim odnosima.

Član 12.

Ugovorne strane su saglasne da eventualne sporove po ovom ugovoru rješavaju sporazumno, a ukoliko to nije moguće nadležan je sud u Sarajevu.

Član 13.

Sastavni dio Ugovora čine:

- ponuda ponuđača sa specifikacijom robe i
- odluka o dodjeli ugovora.

Član 14.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

PRODAVAC
HIFA PETROL d.o.o. Sarajevo


Direktor
Hajrudin Ahmetlić


KUPAC
KANTONALNA JAVNA USTANOVA
ZA ZAŠTIĆENA PRIRODNA PODRUČJA
Direktor


mr. sci. Osman Delić


Broj: 261/19
U Sarajevu, 04.02.2019 godine

Broj: 07-2-03-9/19
U Sarajevu, 01.02.2019. godine